

欽定大清會典事例

欽定大清會典事例卷一百八十三

戶部

庫藏

顏料庫

盛京戶部銀庫

各處將

糧道

驛道

河道

鹽運

司鹽法道

庫

關稅庫

道府

直隸州

及苗

疆分防應

寄儲

州縣衛所

庫

盤查

留儲

分儲

顏料庫○凡各省解到銅鐵鉛錫硃砂黃丹沈

香降香黃茶白蠟黃蠟紙桐油並花梨紫榆等

木均付庫收存又專辦成造香燭以供祭祀以

備內用○直隸布政使司應解黃檜木二千四

百三十斤芝麻一百石○山東布政使司應解

黃丹一萬斤。舊解五千斤。今添解五千斤。黃蠟三千斤。牛筋

一千斤。○山西布政使司。應解平鐵八萬四百

九十八斤。舊係江蘇辦解。雍正三年。改歸山西。舊解七萬斤。今添解一萬四百九十

斤。好鐵十萬斤。毛頭紙四十萬張。呈文紙一萬

張。○河南布政使司。應解黑鉛七萬六百八十

三斤。黃蠟三千斤。牛筋四百四十七斤。○江蘇

布政使司。應解烏梅一千斤。明礬一萬斤。舊解六千

斤。今添解四千斤。黃熟銅二千九百九十三斤有奇。黃

蠟三千斤。銀硃一萬一千九百九十四斤有奇。桐油

一萬七千九百七十一斤有奇。銓草六百斤。紅

飛金二千塊。黃飛金一千二百塊。○安徽布政

使司。應解紅熟銅九千六百二十五斤有奇。黃

熟銅二千一百七十三斤有奇。銅一萬有六百

六十一斤。好鐵十萬斤。黃蠟三千斤。桐油一萬

六千一百七十七斤有奇。舊解一萬二千五百四

建原解之四百八十三斤。改歸安徽共解一萬

三千二十六斤。今添解三千九十一斤有奇。

銀硃七千七百四十斤有奇。舊解五千八百十

一十九百 ○江西布政使司。應解銀硃七千五

二十九斤 百八十九斤有奇。舊解二千五百八十九

斤有奇。今添解五千斤。 桐油

一萬二千五百一十一斤有奇。舊解二千五百十八

斤。雍正三年。以福

建原解之四百八十三斤。改歸江西。共解二千五百四十一斤。今添解九千九百七十斤有奇。

紫草一百六十二斤有奇。五倍子七百九十七

斤有奇。舊解二百九十七斤。有奇。今添解五百斤。○福建布政使司。

應解紅熟銅八千六百有八斤有奇。舊解四千六百二十

二斤。雍正二年。以河南江西原解之。三十斤。八百八十六斤有奇。改歸福建。黃熟銅三

千一百二十七斤有奇。黑鉛十萬五千一百五

十七斤有奇。沈速香六百斤。○浙江布政使司。

應解黃熟銅一千有六十五斤。桐油八千三百

二十九斤有奇。芽茶五千斤。黃茶九十二篋。計

九千二百斤。黃蠟三千斤。定元子五十斤。○湖

北布政使司。應解黑鉛一萬七千六百六十九

斤。白蠟二千五百斤。○湖南布政使司。應解黑

鉛一萬七千六百六十九斤。硃砂十斤。白蠟二

千五百斤。○廣東布政使司。應解紫降香九百

斤。沈香三百斤。紫榆木十四段。每段重二百斤。

花梨木十四段。每段重一百五十斤。廣膠二千

斤。舊解一千斤。今添解一千斤。廣靛花二千斤。白蠟五千斤。

檀香四百斤。○雲南布政使司。應解天青一千

五百三十斤有奇。舊解二百三十斤有奇。今添解一千三百斤。次天

青六十六斤有奇。石黃一百二十二斤有奇。以上

應解各物。如庫存足用則停解。不足用則行取。屢年增減無定數。○舊解今停者。直隸蒲枝。山東紅花槐花。河南芝麻花粉。白芨。安徽榜紙。銀草。福建紫降香。廣東鋼。直隸山東。河南。安徽。湖北。湖南。牛角弓。面牛角。山東。河南。山西。廣西。生熟銅。山東。山西。水膠。江西。福建。湖北。湖南。廣東。黃蠟。山西。西安。紫草。山西。河南。江西。明礬。山西。福建。浙江。五倍子。福建。廣東。錫鐵。江西。蘇。安徽。皖。花青。藤黃。花粉。江蘇。安徽。福建。芽茶。江蘇。安徽。廣西。魚鱗膠。江蘇。安徽。江西。福建。浙江。廣東。賦。硃。安徽。福建。河南。黑鉛。江蘇。安徽。江西。福建。浙。活烏梅。安徽。江西。福建。白蠟。福建。廣東。銀硃。福建。浙。銀。扣存布政使司庫。按數解庫。○順治初年定。

直省起解本色物料。由守道布政使司差委廉幹官填付勘合。水陸撥夫。限程扣送到京。先將批迴赴京畿道挂號。方准投部。各司查驗收存。

即判批迴。給原解官回銷。仍存案以備考察。○九年議准。直省解交本色顏料藥材等項。酌議折銀起解。○十年

諭。民間解辦物料。籤點解戶。賠累難堪。其應解本色官

收官解。不得仍派小民。○十七年題准。顏料等項。定限每歲八月交納。○康熙七年題准。各省本色顏料。本年四月領銀辦買。限十月解部。○十一年題准。顏料等項。該撫委的當官役。批內註定到京月日。赴崇文門掛號後。限五日內交納。由部照批查驗。逾限者將領解官叅處。如已到京

不即交納。或姦蠹包攬及崇文門役需索抑勒者。照侵欺例處分。○二十五年奉

旨。直隸山東河南停解本色狐皮。准以折色解部。在京採買。○二十六年覆准。直省停解芝麻花絨。折色解部。俟庫內用完。再行解送。其梨木板片。停其解送。俟需用時在京購買。如尺寸不符。再行文該省辦解。○又覆准。山東等省。停解牛角。白菱。紫草。靛花。均折價解部。○二十七年覆准。停四川解送白蠟。將採辦價銀撥充兵餉。○二十八年覆准。廣東每年解送本色顏料。止委府佐二人。

分批彙送。○又題准。各省所解顏料。該督撫計
路程遠近。酌給水脚。以杜濫派。○三十一年覆
准。豫省不產牛角。將增辦之一千五百副。改令
廣東太平關粵海關及揚關。每關辦解五百副。
揚關每年限十一月內到部。太平關粵海關限
次年二月到部。○三十三年

諭。各省解送各項物料內。或有無用者。亦有京師可以
辦買者。令該部將應解送應停止款項。確議具奏。欽
此。遵

旨議定。各省解送黃楸木等九十九項。令照舊解送。白

銅無應用之處。將此項停解。青粉等三十八項。外省價值並腳價合算。比在京時價轉貴。停其外解。如有應用之處。在京照時價採買。或遇時價騰貴。京中缺少。由部具題。再令出產省分解送。○三十八年議准。各省辦解物料。均照賦役全書開載辦解。其辦買價值路費。均動正項。○五十一年議准。各省應解顏料等項。如不堪應用。將監辦官照侵蝕入己例。嚴加究處。該撫照不行。違委能員例議處。其辦買價值。著落監辦官及該撫分賠。○五十八年覆准。顏料庫照銀

庫例。動支舊存物料。將新收者別行收儲。○雍正三年奏准。直隸山東原解牛角弓面。停其解送。俟庫存牛角將用完時。改令出產之江南湖北。湖南三省分解。陝西所解紫草。暫停解送。俟庫內所存將用完時。令其起解。山西增解之毛頭紙一百有五萬張。停其解送。每年但將原解十有五萬張解送。數年之後。酌量足用。再停額解。○乾隆二十八年奏准。每年江蘇安徽福建等省。額解紅銅一萬四千二百六十餘斤。庫存如不敷支放。各該省於額解外。每年添辦一萬

四千斤。以備給發。○三十四年奏准。戶局洋銅足供顏料庫各處支用。所有江蘇安徽二省。每年添辦洋銅。即行停止。○三十九年奏准。各處製造細巧器皿。取洋銅供用。滇銅雖不及洋銅純淨。而鍊至十成。亦可成造龐重器皿。嗣後江蘇安徽福建。每年額辦紅銅。行令停止。如遇需用。令造辦等處覈明非洋銅不可用者。再咨該省支取。○四十一年議准。各省解到物料。限二十日覈收給批。如不可收。呈堂方准駁回。無故遲延逾限。將該管官議處。○四十四年奏准。每

年應需京製各料。令庫員嚴飭妥商。豫為辦造。以備給發。所用錢糧。按照定價覈算。○六十年覆准。雲南每年額辦加辦毛青七千餘斤。於每年四月內。飭商赴藏販運來滇。於次年八月起程。十月到部交納。其商人赴藏運青。道路費繁。令地方官各捐廉俸。量給花紅銀牌。以示獎勵。並責成土守備千總幫同青商代雇馬腳。毋得勒派地方。以免滋擾。○嘉慶四年議准。沈香降香。沈速香。銀硃。天青。二青。擡連紙。毛頭紙。呈文紙。紫草。庫存均足敷用。於嘉慶五年為始。停其

解交。○五年奏准。

盛京將軍請領嘉慶六年分豫備

三陵等處紙張。內有綠花白地倭子紙四萬張。庫內向無存者。令該庫員等飭商採買。按照時價。每百張價銀三錢。嗣後各衙門咨取各項物料。有定價者。照例開銷。無定價者。即訪查時價。酌量辦理。○十四年議定。顏料庫支發物料。各衙門支領文內。先將承領官姓名註明。由戶部簽到。發庫後。由本庫呈明管理三庫堂官簽到。令該員先於冊檔印領畫押。親身赴庫給領。○二十一

年奏准各省採辦物料及運省解京各日期酌

中定限。山東省額解黃丹牛筋。限十月內起程十一月內到部。

山西省額解平好鐵。限十一月內起程十一月內到部。毛頭紙。限十

月內起程。呈文紙。限九月內起程。河南省額解

牛筋黃蠟。限九月內起程。安徽省額解桐油銀

硃黃熟銅。限六月內起程。江蘇省額解銀硃桐

油黃熟銅明礬鐙草飛金。限十月內起程。江西

省額解銀硃桐油五倍子紫草。限八月內起程。

擡連紙。限三月內起程。浙江省額解桐油黃熟

銅芽茶黃蠟定元子。限八月內起程。黃茶。年終解到。

福建省額解黑鉛黃熟銅錫斤。擡連紙。限四月內起程。

十月內到部。 廣東省額解白蠟廣膠沈香沈速香降

香檀香高錫。限五月內起程。 湖北省額解白蠟。

每年附漕解部。 湖南省額解白蠟硃砂。每年附漕解部。 雲南省

額解天大青天二青石礮。限七月內起程。 如逾

限一月以外者領解官罰俸一年。督催不力之

上司罰俸六月。○道光三年奏准。廣東省每年

額解沈速香六百斤。檀香四百斤。不敷

太廟

奉先殿等處供用。嗣後添解沈速香二百斤。檀香一百

斤。於道光三年為始。每年共解沈速香八百斤。檀香五百斤。以供應用。○十二年定。嗣後各省額解。並添辦物料。均按照湖南省額解白蠟。硃砂之例。一律派委幹練正解丞倅一員。副解佐貳一員。幫同運京交納。通行各省。一體遵辦。○二十三年奏准。顏料庫隔二年盤查一次。○又定。山西省每年辦解好鐵二十萬斤。議減五萬斤。自癸卯年起。每年採辦十五萬斤。至應解部飯食銀一千二百五十兩。書吏飯銀七十五兩。按照道光二年停解錫斤成案。仍全數解部。○

同治七年奏准。浙江應解黃茶。前因被兵以來。產茶地方。舊樹所存無多。新株甫種。難期適用。部議仍令儘收儘解。不足之數。仿照黃茶之式。暫可抵用者。先行辦解。惟查黃茶一項。獨產紹郡。並無暫可抵用之茶。現在已交夏令。本年無從設法。應俟同治八年委辦解交。○十三年定。凡起解錢糧顏料物件。其解員按批更換。不准長年遞委。違者將委解之上司議處。○又定。各省每歲額解銅鐵鉛錫硃砂黃丹沈香降香黃茶白蠟黃蠟紙張桐油並花梨紫檀等項。皆儲

顏料庫。○光緒元年。恭修

善陀峪萬年吉地工程。添辦平鐵一百萬斤。好鐵四十萬斤。○九年奏准。山西每年例解平鐵八萬四百九十八斤。好鐵二十萬斤。農桑絹三百疋。生素絹一千二百疋。遇閏加四十疋。呈文紙四萬張。毛頭紙一百萬張。通計積欠。截至本年。除戶部議免平好鐵十五批外。尚有未解平鐵一批。好鐵四十四批。農桑絹十一批。生素絹三十二批。呈文紙六批。毛頭紙十三批。今若新陳並辦。價腳太重。止可暫行緩解。俟該省元氣大復。物

產豐盈。再由該撫設法補解。至嗣後年額應解之款。即自光緒十年為始。按年解足。毋再帶欠。

○十年議准。山西已領素絹例價。共銀一萬一千九百五十兩有奇。飭即批解部庫。以備各處領取素絹者。按照例價發給。至現應繳還。緩解之平好鐵毛頭紙價腳。暨先已繳還光緒三、四、五等年免解之平好鐵價腳。共銀十萬一百五十兩有奇。應即列入本年秋撥冊內。報部聽用。

○十一年議准。山西每年添辦毛頭紙一百萬張。自同治二年起。至光緒十年止。二十餘年。一

無報解。徒有添辦之名。不如免其添辦。俾得專顧年例。應解各款。嗣後將歷年欠解毛頭紙二千二百萬張。並光緒十一年後。每年添辦毛頭紙一百萬張。准其概行免解。以紓餉力。所有十一年後額解紙張。必須年清年款。毋得再有帶欠。

盛京戶部銀庫。○庫存金銀幣帛顏料等物。供

三陵祭祀及東三省

盛京。吉林。黑龍江。

官兵俸餉各項

賞賜之用。每歲

盛京戶部豫疏請撥。由部劄庫發給。委官運往存

庫按期分發。次年入奏冊覈銷。

庫設掌關防郎中一人。員外郎

一人。協領一人。司庫二人。庫使八人。○乾隆四十二年奉

旨。由京撥給銀一千萬兩。永遠存儲。作為五年撥運。

四十二年奉

旨。盛京戶部銀庫。令將軍兼管。欽此。遵

旨議定。嗣後

盛京將軍即令兼管銀庫。垂為令典。以昭慎重。

又議准。

盛京每年委員赴部。請領東三省俸餉銀一百二

三十萬兩。令協領同副關防攜帶該處平法。赴

部兌領。運到時。將軍會同戶部侍郎。督率該庫關防等。同領餉各員。秉公平兌入庫。僅有侵用虧短。據實叅奏。其緞布花紅等物。所需車腳。均由部庫發給。作正開銷。○又議准。

盛京備存雜項銀兩。令將軍侍郎鈐印封箱。編號登簿。以備稽查。其開放俸餉。該庫官先將數目報明。豫行平妥。分別旗部。定期出示。以免擁擠。放給後。庫官出具四柱清冊。聯名印結。報明各衙門查覈。每年將軍侍郎等會同到庫。將一年原存放出實存各數。盤查報部。○又議准。開庫

收放銀兩。點定上庫樓軍姓名。其餘不准到庫。即令續派官員。協同該庫員。督率看庫兵丁。於樓軍出入庫時。按名嚴行按檢。稍有夾帶。將樓軍等從重治罪。庫官不實力稽查。將庫官嚴行叅處。並揀派直宿官兵。嚴查出入。晝夜巡邏。圍牆外添設巡兵輪查。以資防守。

各處將軍副都統庫○

盛京將軍庫吉林將軍庫甯古塔副都統庫吉林副都統庫伯都訥副都統庫三姓副都統庫拉林副都統庫

乾隆三十四年歲

阿勒楚喀副都統庫黑

龍江將軍庫黑龍江副都統庫齊齊哈爾副都
統庫墨爾根城副都統庫呼蘭城守尉庫呼倫
貝爾總管庫熱河都統庫山海關副都統庫貴
州副都統庫今德州城守尉庫綏遠城將軍庫
察哈爾都統庫綏遠城城守尉庫西安將軍庫
江甯將軍庫京口副都統庫福州將軍庫杭州
將軍庫乍浦副都統庫荊州將軍庫廣州將軍
庫成都將軍庫各儲該處官兵俸餉及雜稅官
莊糶賣糧價按年造冊申報查覈。黑龍江設銀
庫主事一人
綏遠城設庫大使一
人餘無額設庫官。 ○同治十年奏准江甯駐

防旗庫恩濟一款。計銀一萬八千餘兩。咸豐三年以後。此款無存。現時存調官兵。僅額設四分之一。按照從前之數。籌給四分之一。計銀四千五百兩。在地丁款內放解。○光緒二年。奏准京口八旗。向有存庫接濟官兵銀九千四百餘兩。留備出差入都等項之需。各按等第借給。分作二年扣還。年終造報。咸豐三年。鎮城淪陷。存款遺失。茲當善後大定。兵數足額。照甯防成案。酌撥銀二千四百兩。以資周轉。在江蘇藩庫地丁款內動支。

各省藩庫。○藩庫為一省財賦總匯。各州縣歲徵田賦雜賦。除存留支用外。餘悉起解布政使司儲庫。庫設大使一人。司啟閉。掌平衡。布政使司稽收支出納之數。彙冊申巡撫。達部查覈。○按察司庫。○臬司庫專收贓罰銀錢。按例報解刑部。除公用外。俱解部庫。○乾隆四十三年議定。各省按察使庫。歲存各州縣驛站夫馬工料銀兩。或由布政使移解。或由部撥鄰省。各照數存庫。○五十一年議准。各省州縣自行留支驛站等項。概行禁止。其應需驛站錢糧。均行提解。

藩庫由臬司按季領存給發。○嘉慶五年議准各州縣額徵驛站錢糧。凡夫馬工料等款。准令全數留支。餘賸銀兩。提存藩庫報撥。僅額徵不敷。及向無應徵之各州縣。所需夫馬工料等銀。准於地丁內扣支。入存留項下。造報臬司。會同藩司覈實題銷。

糧道庫。○督糧道庫。專存漕項銀。凡漕項編入地徵者。州縣隨地賦徵解布政使司。布政使按數移解糧道。在本省。則收存道庫。運糧抵通。則解納通州戶部分司坐糧廳。糧道掌稽出納。造

冊申送漕運總督咨部考覈。

驛道河道庫○驛道庫專存驛站夫馬工料。

乾隆

四十三年改歸按察使司庫存儲。河道庫專存河餉兵備道庫。

專存兵餉或由布政使司照數移解或由部撥鄰省運往備用。各道專稽出納造冊申督撫河道總督分咨兵工二部及戶部查覈。

鹽運司鹽法道庫○鹽運司鹽法道庫專存正雜鹽課。凡場大使徵解商人按引輸納悉入焉。庫設大使一人鹽運司鹽法道專稽出納造冊申鹽政。今裁管鹽督撫咨部考覈。

關稅庫。○由部差者。有監督庫。專存關鈔。按例分四季解部。如係道府廳州縣等官經營者。則存經理之該員庫內。年終報解部庫查收。

道府直隸州及苗疆分防廳庫。○凡各省衝要地方。分巡道員。及各府直隸州。並分駐苗疆之同知通判等衙門。無額設庫官。惟按照地方大小。距省遠近。酌撥司庫銀。分存各庫。以備急需。每歲布政使造入春秋季報冊。咨部查覈。

州縣衙所庫。○凡州縣衙所收存本色正雜賦銀。存留者照數坐支。起運者徵解布政使司庫。

按催徵限期。造具完欠數目冊。隨時申報司撫。入奏銷考成。

盤查○康熙十五年題准。各省布政使司。管糧守道。或有升降。將一應經收經放。並實在錢糧。令其逐一造具清冊交代。至所造交代文冊。若布政使司升任本省巡撫者。令本省總督確查具題。如無總督省分。該撫不便自行具題。令新任布政使司覈明具題。如升調別任。並降革事故離任者。均令本省巡撫確查具題。其交代錢糧。有侵欺透冒挪移墊解等弊。均照例處分。督

撫不行覈明。蒙混徇庇具題者。事發將督撫一併嚴加議處。○二十四年議准。各省藩司遇升任降調交代時。必將其任內收放錢糧。令督撫親身確查。如有侵挪虧欠者。即行題參。如無虧欠。即具並無侵挪甘結。送部查覈。○二十八年議准。各省藩司交代之時。雖令督撫親身盤查。具結送部。但未有逐歲盤查之例。嗣後令各巡撫於每年奏銷時。將司庫錢糧親身盤查。如無虧空。於奏銷本內保題。倘仍有虧空。將巡撫照例治罪。○五十年議准。各省鹽運司庫存鹽課。

責任與藩司相同。嗣後運使交代亦照藩司交代之例。將舊官任內收放錢糧。新官交盤出結。造具四柱清冊。呈詳巡鹽御史。裁今具題。分送部科稽查。如查出徇隱情弊。一併議處追賠。○雍正八年議准。各省驛道升轉離任時。交代錢糧。令造具四柱款冊。該督撫具題報部查覈。○十一年議准。各省糧驛二道庫存錢糧。向於奏銷時。責成藩司盤查出結保送。未將出入數目。隨時移會藩司覈對。嗣後凡有收支款項數目。均令隨時知會藩司存案。每年奏銷時。仍將本年

出入款項支存各數。及各年各款支存銀數。備細造冊移司。該布政使逐款覈對。出具盤查清楚印結。送部查覈。其每年奏銷。奉部題覆之後。該督撫仍行知該布政使司。存案覈對。○又議准。嗣後各省糧道。如有升轉離任。新舊交代。將任內經手錢糧。仿照各省驛道交代之例。造具細款四柱清冊具題。送部查覈。○乾隆四年議准。各省鹽道庫。止存正雜鹽課。向無盤查之例。通行管鹽督撫鹽政。今將道庫鹽課錢糧。於每年奏銷時。親臨盤查。虧則題叅。足則出結題報。

如有隱匿扶同等弊。一經發覺。照例參處。○五年題准。直隸霸昌口北二道庫。有豫備軍需銀。天津通永大名三道庫。歲有搶修及豫備要工銀。均應不時盤查。嗣後各道庫內。有原存河工錢糧。例應河督盤查者。將分儲兵餉。並由河督就便盤查結報。其餘道庫。令藩司委官盤查結報。○二十年

諭。藩司為錢糧總匯。庫貯銀兩。向成弊藪。歷經釐剔。仍未肅清。其各省藩庫銀兩。當徹底清查。著該督撫秉公盤驗。如平色虧缺。即著落照數賠補。將有無情弊。

具摺奏聞。嗣後有青潮不足等弊。一經發覺。惟督撫是問。○二十四年奏准。西藏糧員所管餉銀。由駐藏大臣每年盤查一次。造冊咨送總督查覈。○二十六年議准。各省糧驛二道庫。存儲錢糧。每年奏銷。由同城督撫盤查。其每歲支存款目。仍責令藩司覈明。於督撫未經盤查之先。出具保結詳送。如盤查之後。有虧空等弊。照例分賠議處。至督撫接任盤查藩庫時。糧驛二道。如駐紮同城。亦一體親往盤查。將有無挪移虧缺。附摺具奏。○二十七年議准。各省道庫。遇有新舊交代。

督撫親驗盤查。○三十二年奉

旨。傳諭各督撫。於年終將各屬有無虧空之處。彙奏一次。以重責成。著為令。○又奏准。烏魯木齊提督庫。巴里坤總兵庫。分儲銀兩。凡遇提鎮新舊接任。覈實題報。其平日統歸提督不時查覈。至總督巡查提鎮營伍時。一體覈實查辦。○四十三年奏准。直省按察使庫。存驛站錢糧。每遇交代。造具冊結。會同藩司查覈詳題。其鹽道庫錢糧。奏銷交代。責成同城督撫及鹽政。今盤查出結題報。督撫鹽政新任受事。亦一例盤查。兩廣總督所

轄廣西鹽道錢糧。屆盤查之期。就近交廣西巡撫盤查揭報。○又議准。山西巡撫兼管鹽政。凡運司交代接管到任。及奏銷之時。委道員代盤。每年不拘何時。該撫親赴運署盤驗一二次。其餘再委道員盤查。不得每年全委道員。以免滋弊。乾隆五十七年。河東鹽課。攤入地丁項下徵收。運司缺歲。○四十七年

論各省遇有臬司委署藩篆者。其交代驛站錢糧。統俟新任藩司到任後。再行詳細盤查。出結申送督撫查覈。以專責成。毋庸另委道員。著為令。○嘉慶十一年諭。督撫到任及每年錢糧奏銷後。例須盤查藩庫一次。

自當將各項款目及收支實數。詳細句稽。方為有益。近來督撫等視為具文。不過到庫略為抽驗。虛應故事。日久釀成弊端。即如本年直隸湖北俱有藩庫侵虧重案。不可不詳定章程。以資釐剔。嗣後督撫到任及奏銷時。盤查司庫。均當實力清查。並著於每年封印後。親赴藩庫。將本年收支款項。逐一詳查。取結送部。如將來款項不清。將加結之督撫。一併懲治。其運庫河庫地方。亦照此辦理。○十七年

諭各省州縣倉庫。絲毫不容虧短。定例新舊官交代。如查有虧短。該督撫立時嚴叅究治。近皆相率彌縫。以

致倉庫多有不實。著通諭各督撫藩司。於所屬新舊交代時。認真糾察。如前任官虧缺。即據實將前任官嚴叅。勒追治罪。不可稍存袒護瞻徇之見。若後任不行舉報。私行接受。既已具結申詳。將來別經查出。則惟後任官是問。務須覈實稽查。以杜侵欺。而重帑項。

○二十四年

諭。御史邱家煒奏。請除藩庫積弊一摺。藩司為錢糧總匯。句稽出納。款目繁多。於各州縣支銷抵撥等款。察覈未周。易啟書吏蒙混之弊。該御史所奏。於藩庫實收實支簿冊外。添設各州縣支解冊。以憑磨對。於防

辨較為周。密著各該督撫飭知藩司。嗣後每年皆令
造各州縣應支應解清冊二分。一存藩署。遇有收支
各款。隨時填註。一發州縣。於年終將已未支解數目。
分款登載鈐印。送司磨對。如有不符。立即究辦。以杜
侵欺而慎庫貯。○道光十一年。定盤查甘肅倉庫豫
杜虧空章程。一省書盤踞。加重懲辦。一吏胥勒
索。實力查禁。一採買兵糧。責成道府。一倉穀短
絀。不准折價移交。一攤銷名目。永遠禁止。一交
流無著各款。設法彌補。一考棚墊修銀兩。不准
作抵庫項。一應解司庫各款。嚴密守提。一司庫

扣存抵虧款目。不准冒領。一有虧各員。停其升
調。○二十八年

諭。劉韻珂等奏遵旨清查通省倉庫。並限結交代。勒提
存庫銀兩。認真清釐一摺。福建省倉庫。自乾隆六十
年清查。至今款目繁多。倍形糝轄。亟應徹底句稽。著
予限兩年。由該督等督同藩司。遴委幹員。分別設局。
將司庫款項。先行查明。其各屬倉庫銀穀各款。限三
箇月。查造確冊。加結彙送。一律清查。並勒限嚴催各
屬。未結交代。趕緊結報提解。儻查有捏飾挪移侵虧
入己情弊。及結報遲逾各員。均即據實嚴叅。所有清

查條款。並以後籌補考覈章程。著悉心妥議具奏。欽

此遵

旨議奏。請自嘉慶元年始。至道光二十八年止。司庫屬
庫及各屬倉穀。一體清查。分別籌補。一面將各
屬未結交代。並查明實缺銀穀。造冊結報。應參
追者。立予參追。應賠補者。勒限賠補。○同治十
三年奏定。正署官如倉庫本無虧短。而署任官
故為遲延。希圖卸責者。該監盤上司揭報題參。
其署任官有虧空錢糧者。除本員照例治罪外。
仍著落遊委之督撫司道知府等官。分賠議處。

留儲○雍正五年議准。各省布政使司庫存錢糧。悉令造入春秋二季報冊候撥。至冬季大撥時。又將各省應存及次年額徵。悉行撥充兵餉。司庫幾無餘贖。僅有急需。鞭長莫及。應按地方之遠近。存贖之多寡。酌留數十萬兩。令該督撫公同封存藩庫。如有動用之處。題明動用。除直隸近京無用留儲外。山東藩庫留儲十萬兩。山西河南湖北陝西廣東各二十萬兩。江蘇安徽江西福建浙江湖南甘肅四川廣西雲南貴州各三十萬兩。封存備用。每年造入季冊報部查

覈。○乾隆三十六年奏准。江蘇江甯蘇州兩司
庫。各添儲銀三十萬兩。○四十一年議准直省
各藩司封存銀數。直隸三萬一千四百兩。山東
二十五萬兩。山西三十一萬兩。河南三十五萬
兩。江甯四十八萬兩。蘇州四十八萬兩。安徽四
十萬兩。江西三十七萬兩。福建四十萬兩。浙江
三十萬六千兩。湖北四十萬兩。湖南三十二萬
三千兩。陝西三十一萬兩。甘肅三十八萬兩。四
川一百五萬兩。廣東二十萬兩。廣西三十八萬
四千兩。雲南四十八萬五千三百四十二兩。有

奇。貴州四十五萬九千兩。俱由該督撫公同封
存。如有急需。題明動支。於撥餉時請部照數撥
補。違者將該督撫藩司照擅動錢糧例治罪。○

道光二年

諭。江甯藩庫封貯尚未足額。請仍收捐監生。並令江蘇
一律報捐。歸補江甯藩庫封貯銀兩等語。江蘇兩藩
庫動用銀兩。係各歸各處報銷。現在蘇州藩庫。既經
封貯足額。自應即行停止。何得以蘇州仍行開捐。將
銀兩歸補江甯藩庫。實屬輒輟。所有該撫請將江蘇
兩藩司。合計歸補江甯之處。不准行。至江甯封貯尚

未足額。應令照舊報捐。俟收足十萬兩。先行解部。續收五萬兩。歸補封貯。俟歸補足額。即行停止。○二十七年奏准。福建布政司庫。每年於閩海關徵收洋稅內。劃出銀一萬兩。同時零尾數。一併另款封儲。作為豫籌兵餉。年終將收存銀數。造冊送部。如有急需。奏明支用。不准擅動。○同治十二年

諭戶部奏部庫空虛。應行存儲款項。請照初議。另款封存一摺。四成洋稅銀兩。前經總理各國事務衙門奏明解交部庫。另款存儲。近因各衙門奏支之款。絡繹

不絕。正項不敷。隨時挪借。殊與初議不符。著該部遵照奏准原案。全數封存。以後各海關報解四成洋稅。隨到隨封。連前所存。一概不准擅動。如庫存正項。一時不敷周轉。惟八旗兵餉。及神機營經費。暨隨時緊要軍需。准由該部奏明。暫借四成洋稅開放。仍俟正項充裕。照數撥還。其餘一切放款。概不准奏借此項。致啟挪移之漸。

分儲 ○ 雍正八年

諭。向來大宛二縣。常有速辦之公事。不得不挪庫銀以濟用。上司察知。每以虧空題參。至於罷黜治罪。實為

可憫。用沛特恩於大宛二縣各發帑銀萬兩存貯該縣。儻遇有速辦之公事准其稟明府尹動支。近思辦理軍需之州縣其急切應付之處刻不容緩而該州縣並無存貯備用之項朕意欲於辦理軍需及事務繁劇之州縣亦仿大宛之例酌留帑銀以備急切之用其如何舉行俾辦公有賴而弊竇不生著大學士等悉心定議具奏欽此遵

旨議定按省分之大小直隸山東山西河南各存留十有五萬兩。江蘇安徽江西各十萬兩。福建二十萬兩。浙江湖北湖南各十萬兩。陝西甘肅四川

各三十萬兩。廣東十萬兩。廣西十有五萬兩。雲南貴州各二十萬兩。均分存府庫直隸州庫。如有急切公務。具文請領。該府州立即給發。該州縣辦理之後。據實開報。該府州轉申布政使督撫覈實。歲終造冊咨部查覈。○乾隆五年議准。各省分存急需銀。有因軍需動用者。亦有始終未經動用者。若不隨時酌宜。或久存不加查覈。恐日後漸啟侵虧。於急切需用時。轉多貽誤。令該督撫酌量地方情形。是否仍應分存。抑或歸併司庫酌留項下備用。妥議報部。○又覆准。直

省分存府州庫內急需銀。經各該督撫就地地方情形定議咨部。直隸原分存銀十五萬兩。仍分存道府庫十一萬兩。餘四萬兩提回司庫候撥。山東原分存十五萬兩。均歸入司庫酌留項下封存。山西原分存十五萬兩。仍分存各府四萬兩。餘十一萬兩提回司庫。河南原分存十五萬兩。仍分存府州二萬兩。餘十三萬兩歸入司庫。江蘇原分存十萬兩。仍分存府庫二萬兩。道庫運司庫六萬兩。餘二萬兩歸入司庫。安徽原分存十萬兩。仍分存府庫五萬兩。餘五萬兩歸入

司庫。江西原分存十萬兩。仍分存府庫三萬兩。餘七萬兩歸入司庫。福建原分存二十萬兩。浙江。湖南。廣東原分存十萬兩。均仍分存各府州庫。湖北原分存十萬兩。仍分存府州庫五萬兩。餘五萬兩歸入司庫。陝西原分存三十萬兩。仍分存府州庫十萬兩。餘二十萬兩歸入司庫。甘肅原分存三十萬兩。仍令分存府州庫二十二萬兩。餘八萬兩歸入司庫。四川原分存三十萬兩。仍分存府州庫敘永松潘二同知庫二十萬七千兩。餘九萬三千兩歸入司庫。廣西原分存

十五萬兩。仍分存府庫六萬六千兩。餘八萬四千兩歸入司庫。雲南原分存二十萬兩。仍分存各府庫一萬八千兩。餘十有八萬二千兩歸入司庫。貴州原分存二十萬兩。仍分存道府庫台拱八寨同知庫。都江丹江清江通判庫共三萬六千兩。餘十有六萬四千兩歸入司庫。各開造酌留項下封存備用。每年造入季冊。報部查覈。

○二十七年覆准。直隸道府庫分存銀十五萬三千六百七十三兩有奇。山西府庫分存五萬兩。江蘇府縣庫分存八萬兩。江西府庫分存三

萬兩。福建府庫分存十萬兩。浙江府庫分存九萬四千兩。湖南府州庫分存七萬七千兩。陝西府州庫分存五萬兩。甘肅道府庫分存二十二萬兩。新疆提鎮庫分存七萬兩。四川府廳庫分存五萬兩。廣東廳州庫分存十萬兩。廣西府庫分存六萬六千兩。雲南府庫分存一萬八千兩。貴州道府廳州庫分存四萬一千兩。○三十四年議准。駐防官兵。遇有官差及勢不得已之事。各准請借官項。免其起息。其備借銀數。

盛京定以六萬兩。熱河五千七百兩。古北口五百

兩。圍場八百兩。俱存熱河副都統衙門。吉林定

以三萬四千兩。黑龍江定以三萬五千兩。寶坻

等九駐防。共定以四千兩。寶坻一百五十二兩

四百五十兩。良鄉一百五十二兩。三錢三分。保定一千

育里一百五十二兩。三錢三分。固安一百五十二兩。

東安一百五十二兩。三錢三分。雄縣一百五十二兩。

五兩二分。滄州一兩。山海關等八駐防。共定以五

千兩。山海關二千四百七十七兩六錢。喜峯口

兩八錢。冷口四百七十二兩二錢。盛龍三百一

十六兩八錢。五田三百一十六兩八錢。三河三

百一十六兩八錢。順張家口等四駐防。共定以

三千兩。張家口二千五百兩。獨石口二百五十

兩。張家口二千五百兩。昌平一百五十兩。

各存儲都統衙門。及州縣庫。青州定以七千兩。德州一千兩。太原一千五百兩。綏遠城右衛定以九千兩。河南省二千四百兩。江甯京口共定以二萬八千四百兩。福州六千兩。杭州七千兩。乍浦六千兩。荊州一萬六千兩。西安二萬兩。甯夏一萬兩。涼州。莊浪共定以九千兩。廣州及水師營共定以一萬兩。成都定以六千兩。所有各官兵應借之銀。於應得俸餉內坐扣。限二年扣結。如原借官兵遇有事故無俸餉可扣者。於各官兵內分別攤扣。仍於歲底將出借扣回各數。

造冊送部查覈。○五十一年議准。新疆分存烏魯木齊提督庫銀三萬兩。巴里坤總鎮庫銀一萬六千六百三十五兩。哈密協副將庫銀一萬兩。○嘉慶十八年奏准。密雲駐防存儲銀兩。備添支新補官兵俸餉馬乾孀婦周年半餉等項之用。其古北口昌平州玉田三河順義等五處。應支孤寡養贍官學公費兵丁獎賞暨署任副都統養廉等項。亦在此項銀內。每歲以三千兩。作為該駐防春秋二季豫領定額。每季專案支領銀一千五百兩。存儲該處。隨時支應。統於年

終造冊報部覈銷。不敷再行找給。如有餘贖。即於次年春季請領文內聲明扣除。○十九年奏准。裁撤陝西鳳翔府庫額儲銀八千兩。分撥漢中興安兩府庫各四千兩。合漢中府庫原額備儲銀六千兩。共一萬兩。興安府備儲銀三千兩。共七千兩。延安府庫存七千兩。榆林府庫存二萬兩。綏德鄜州庫存各三千兩。○二十五年奏准。湖南辰沅道庫原儲備銀二萬兩。茲將道屬採買穀石餘贖銀五百八十兩。一併作為存儲。遇有要需。非覈實奏明。不得擅動。毋得於動用。

後補奏。每遇年底及新舊交代時。該撫遴委隔屬道府親往盤查。取具切實印結。移送藩司。加具保結。報部查覈。○道光六年議准。臺灣開闢噶瑪蘭地方。設立文武官兵彈壓。應行留備公用銀兩。在於司庫撥銀一萬兩解臺。存儲淡水廳庫。以備緩急。○十三年覆准。湖南藩庫撥交辰沅道庫。存儲銀一萬兩。如遇屯防經費不敷。暫行湊支。即於次年歸足原數。不准稍有短絀。年清年款。造冊送部查覈。○十四年

諭程祖洛等奏酌籌撥解臺灣道庫儲備銀兩一摺。福

建臺灣一府。孤懸海外。必須庫儲充裕。方可緩急足恃。據該督等查明。請由收捐監生銀兩。歸補本省封儲項下。酌撥十萬兩。發交道庫。以為備公要需。著照所請。准其如數酌撥。此項銀兩。著責成臺灣道專款加謹封儲。不得與府庫糾纏。致滋弊混。如遇重大緊要事件。著該道一面酌撥。一面自行具奏。並報明督撫藩司存案。事竣分別歸補。此外尋常事件。及墊放官兵俸餉等項。照舊由臺灣府自行籌撥。概不准擅動。遇有新舊交代。責令後任盤查結報。造冊詳報咨部。僅有挪移短缺。據實參追。如遇將軍督撫提督渡

臺巡閱。照督撫年終盤查司道庫款例。覈實盤查。於
奏報巡閱事竣摺內。聲明有無虧短。分別究辦。○又
定。前項封儲銀十萬兩。每年春秋二撥。造冊送
部備查。○十五年奏准。湖南永州府庫分儲銀
八千兩。內酌撥二千兩。交江藍同知收儲。一千
兩。交永桂通判收儲。以備犒疆要需。計湖南省
府廳州縣共分儲銀七萬七千兩。內衡州府庫
五千兩。永州府庫五千兩。江藍廳同知庫二千
兩。永桂廳通判庫一千兩。寶慶府庫五千兩。靖
州庫八千兩。常德府庫二萬兩。辰州府一萬五

千兩。永順府庫八千兩。沅州府庫八千兩。○二十六年奏准。前於閩省收捐監生歸補封儲銀內。撥銀十萬兩。解存臺灣道庫。嗣節次動撥銀九萬二千八百餘兩。實儲不及萬兩。復於閩省現存收捐監生歸補封儲銀內。酌撥銀十萬兩。解儲道庫備用。

寄儲。○雍正十年議定。各省官兵領餉。除直隸貴州二省仍按季支給。山東河南二省分撥附近州縣。按月支給外。其山西之潞安澤州大同等營。江南之潛山徽州等營。及河標各營。江西

之吉安等營。福建之臺澎南澳延平建甯等營。浙江之象協各營。湖廣之穀城彝陵等營。陝西之固原等營。四川之松潘等營。廣東之瓊州鎮及水師營。廣西之永甯等營。雲南之昭通永北永順各鎮營。均離省寫遠。所需兵餉。准赴藩庫總領兩季領回之日。寄儲同城府州縣庫。交武弁撥兵看守。仍照例按季按月散給。○乾隆四十三年議准。凡各省額設應領未支之款。未便久寄司庫。應於奏銷後勒限一年。飭領清楚。逾限不行赴領。概行提歸原款。報部撥用。至軍需

工程應領未支銀兩。與俸餉等項之歲有定額者不同。均應於本案准銷後。除覈明有無別案應繳之項。劃抵還款外。並行知本員新任原籍。統以該員奉文之日起。勒限二年。飭領清楚。報部查覈。至升遷他省者。由該員本任備文移行。接任官加結請領。事故回籍者。呈報本籍地方官。出具印領。仍由後任官加結領付。逾限不行請領者。即行報撥充餉。

欽定大清會典事例卷一百八十四

戶部

倉庾

京通倉廩 大通橋監督 倉場職掌 各倉監督 坐糧廳職掌

督

京通倉廩○

京師十有三倉祿米倉五十七廩南新倉七十六

廩

除年久坍塌廩外 今存五十廩 外 舊太倉八十三廩 除年久坍塌廩外 今存

四富新倉六十四廩 除年久坍塌廩外 今存三十五廩興平倉

五八十一廩 除坍塌廢歸併外 今存四十五廩均在朝陽門內海運

倉百廩 除年久坍塌廩外 今存六十八廩北新倉八十五廩均在

東直門內太平倉八十六成豐十年拆卸四廠十廠同治五年

八廠今存在朝陽門外均國初建太平倉舊

三十八廠在朝陽門外在朝陽門內康熙四十

四年改本裕倉三十廠在德勝門外清河康熙

建今所萬安倉九十三廠在朝陽門外雍正元年

建儲濟倉百有八廠同治五年歲四裕豐倉

六十三廠均在東便門外雍正六年豐益倉三十

廠在德勝門外安河橋雍正七年成豐十年

八大通橋號房四十八間除併廢十八間朝陽

門號房五十八間舊設大通橋號房六十四間

五年朝陽門增建十四間又移大通州二倉西

通橋河東十六間於朝陽門外

倉一百四十二廠年久坍塌廢同治十二年重修在

新城初建中倉一百有八廠年久坍塌廢同治年

二十九廠在舊城南門內一廠初建舊有南倉八十

通州石壩號房百有六間年久坍塌廢同治五年

元年增建三十八間今存九十四間土壩號房二十五間舊城南

門外號房十間新城南門外號房二十五間均今

坍塌○康熙五十四年覆准凡修造倉廠照一應

修建例三年內如有坍塌滲漏木料損壞著落

原建造官賠修○雍正三年奏准通倉向有席

片鋪墊例無板木京倉以板木鋪墊十年一換

應將京倉木板展限至十六年一換所餘木板鋪墊通倉。四年題准京倉舊例每廠用松板五十塊楞木五根給鋸板工價銀八兩四錢嗣後每廠滿鋪用松板百有十塊並將松板鋸一為四以代楞木應用松板五十二塊鋸板工價每廠給銀十二兩九錢三分七釐。十年定建造京倉看守章京兵丁等堆房共四十一處定限三年保固並令倉場隨時驗明修補。十二年覆准建造京倉看倉旗員兵丁等房鋪共四十一處定限三年保固並令倉場侍郎隨時查

驗修補各倉置造木斛每張例給工料價值銀
七錢限三年一造。○乾隆六年奏准各倉廩鋪
墊板木定例十六年一換今皆屬堅固整齊毋
庸拘定十六年之限統俟每季放空之後查有
朽壞者動用每年所收板木隨時修理每廩抽
換數片至數十片不等其工價照滿鋪之例覈
算於輕齋項內給發。○又奏准倉中竹席板木
向係收儲各倉空廩今積存充實並無空廩收
放應於各倉相間之處依兩邊廩檣下用柱腳
上加椽椽蓋瓦前檐砌牆後檐用牆板每倉修

蓋三五處以資收存。○又奏准各倉監收監放
學習監督建蓋瓦房一間以便居處。○又題在
富新倉失火燒毀倉廩用過建蓋銀兩該倉官
吏四六分賠。○七年奏准各倉廩上設氣樓窗
隔每致鳥雀出入傷耗糧米嗣後均用竹篾編
成隔孔釘於窗牖之上。○又奏准京城內外各
倉有安設博縫者惟富新等倉向未安設照式
加增。○又奏准學習監督收放米石暫時居處
毋庸建蓋瓦房仍照舊搭棚棲止。○八年奏准
各倉歲抽換板片例應工部委官查驗覈銷每

因新糧到通需廩儲米不及候驗嗣後抽換廩板新糧未到之先及糧務完竣之後仍咨工部委官查驗如遇新糧到通之時由倉場侍郎委官就近查驗咨部覈銷○十八年奉

旨嗣後各倉遇有應修工程著工部倉場該旗各派司官一員會同料估修理○又議准修理京倉數在百兩以上者由查倉都統移咨工部查估咨覆該都統奏明興修工竣仍由工部查銷修理通倉即令查倉御史倉場侍郎造冊彙題由工部覈議興修○又奏准各倉新收漕米向例深秋上

板封固嗣後於新儲之殿門上檐空出數尺宣
通蒸氣以下所上殿板即行加封至深秋全行
上板封閉○二十五年奏准歲修倉廩務於春
三月勘估動工玩視者查叅若監督已報而都
統御史不即查辦一併議處○三十年議准修
理倉廩銀數在百兩以上者由工部查估送查
倉大臣具奏辦理銀數在四百兩以上者由工
部知會內務府派員同修在四百兩以下者由
工部專員修理本倉監督隨工查驗仍令查倉
大臣不時稽查工竣後查倉御史查收將承修

官職名及修理年月銀數造冊收存再遇興修
敬明入奏。○三十五年定嗣後報修倉廩於二
十日內造送估冊以便題請修理如估冊逾限
查明分別叅處。○三十六年議准通倉一切工
程向係通水道協承修嗣後照修理京倉之例
由工部揀派諳練司員辦理。○四十年定京通
各倉廩座每年於秋令拔除茅草由工部派員
帶領工匠前往妥協修理毋庸交各該倉自雇
匠役至太平萬安二倉地形稍窄遇有應修工
程其拆下渣土工竣後照各工之例隨工出運

仍將用過銀兩造冊送工部覈銷。四十一年
奏准京倉十五倉廢座拔草拘抵共需工料銀
三千二百八十餘兩向在倉茶果項下開支嗣
後倉茶果遇有不敷即在廳茶果銀內動用。
又定京通十五倉拔草拘抵令倉場於每年七
月初十日以前造冊送部即行派員辦理務於
七月內辦完。四十五年議准通州石壩號房
傾圮於經紀等應得腳價內豫借銀一萬六千
兩修理毋庸另請開銷分作十年扣還。四十
六年奏准蠲免漕糧年分廳倉茶果銀徵收較

少各倉拔草拘抵銀兩在輕齋項下支給○五
十年定各倉拔草拘抵添補瓦片動用輕齋銀
兩每年不得過三千五百兩又各倉歲修京倉
由戶部撥給銀兩交倉場衙門存儲動用通倉
則於通庫輕齋項下領銀興修每年通共不得
過一千兩○五十七年奏准石壩空號房因民
房失火延燒除借項賠建所借銀兩在車戶應
領腳價內限八年扣繳並將看房及巡役人等
加責外其土壩州同於失火之夜並未在署照
倉庫失火杖徒律杖八十徒二年至配折責坐

糧廳不能先事豫防。罰俸一年。倉場侍郎。罰俸六月。○嘉慶五年奉

旨。向來京通各倉。每年秋閒。有拔草拘抵工程。工部所派司員。因係歲修。往往偷減草率。毫無實際。嗣後此項工程。即著分交各倉監督自行辦理。仍照定例。每年不得過三千五百兩之數。並責成倉場侍郎。切實查驗。毋任稍有偷減草率。○又定太平倉。並無原設官房。照各倉之例。在朝陽門外南河沿河陽汛。守備後身空地。添蓋官房十間。○六年議准。各倉監督。報修一切工程。如動用戶部銀兩者。照

在京工程之例銀數在千兩以上者奏請

欽派大臣查估承修在千兩以下及二百兩以上由

工部派員估奏輪直堂官督率司員修理在二

百兩以內者亦照在京工程之例由工部派員

查估承修工竣取具該倉監督銜押造冊呈遞

派員查驗咨銷如動用坐糧廳庫存銀兩者由

倉場飭該倉監督自行修理工竣造具冊結送

部派員查驗咨銷○十四年奏准在京祿米南

新舊太海運北新富新興平太平萬安裕豐儲

濟本裕豐益等十三倉拔草拘抵由各倉監督

自行估計每年動支銀不得過五千兩在於坐糧廳茶果等銀內領給造報工部題銷○十八年

諭昨降旨交步軍統領衙門將各倉廩地面添設堆撥妥議巡察章程因思各倉廩周圍牆垣之上均增棘刺更足以資防範著交工部會同倉場衙門將各倉廩外牆逐細勘丈應增棘刺若干尺寸並限年修補之處詳議具奏欽此遵

旨議奏祿米等倉圍牆尺寸並需用棘刺斤數酌分緩急分作初次二次甚蓋○十九年議准各倉拔

草拘抵令其保固一年。次年不准報修。至第三年方准再行拘抵。○道光四年

諭各倉鋪墊板木編造氣筒。每歲由糧船解交備用。在倉各員果能遵守成法認真經理。何至收貯米石轉有潮溼陳朽之虞。近來各倉氣筒廠板均屬有名無實。花戶經紀於各幫船帶交竹木。往往折價肥己。並每年各倉拔草拘抵工程。復不認真修葺。一遇大雨。即多滲漏。殊非慎重倉儲之遠著。倉場侍郎嚴飭各倉監督查驗。放空之廠。有板木朽壞者。即行抽換。務使一律堅固整齊。各倉氣筒編造足數。照例安置。俾

令廠氣深通。至秋季拘抵。必須工歸實用。毋任稍有
虛報。該監督等儻奉行不力。致有前項弊端。著即據
實嚴叅懲辦。並著查倉御史嚴密稽查。毋得視為具
文。○咸豐十年奏准。豐益倉因土匪滋擾。米石無存。
廠座暫交營汛看守。該倉監督暫行裁撤。各旗
營應領米石。改歸本裕等倉支領。○同治十二
年奏准。豐益倉自裁監督後。營汛看守不力。殘
廢木植。間有遺失。且外營米石。改由本裕倉開
放。進米較多。每遇陰雨。泥淖難行。致稽運務。嗣
後將豐益倉廠座。擇要修補。南嚮三廠拆蓋。西

密三股揭。官廳龍門。修蓋整齊。仍照舊章。派進新糧。由戶部劄放。

倉場職掌。○總督倉場。戶部右侍郎。順治十五年定。滿漢各一人。駐紮通州新城。總理京通各倉糧務。其漕運總督各該管撫。及沿河文武衙門。凡漕運文冊。應報倉場者。均照報部體式。應舉劾者。照例舉劾。各項應行事宜。倉場造冊報部查覈。○又覆准。每年春閒。出巡閱看。插河點驗石土。兩壩經紀車戶。剝船。督令坐糧廳催置布袋。以備新糧到壩起運。○又覆准。漕白糧船。

抵天津督率沿河文武官弁往來催運並查驗
北河淺阻令坐糧廳督夫疏濬深通毋致糧艘
阻滯○又議准重運糧船到通督令坐糧廳起
卸過壩騰空漕船頒給限單催令回空○又覆
准各倉收糧完竣分析各幫完欠數目造冊具
題○又覆准輕齋由牘等銀倉場侍
郎督催各省糧道按年越漕先解歲終將收放
銀數造冊題銷各省未經解完者將巡撫糧道
題參仍催補解○康熙二年題准倉場督收各
省漕糧除帶運米不算外其扣收餘米抵欠并

入正運數內。總作十分考覈。未完五釐以上至一分者。罰俸一年。三年連欠五釐以上至一分者。降一級督催。○雍正三年。覆准漕白糧船抵通日期。及起過糧數。回空船數。並石壩外河水勢深淺。五日一次具奏。○七年題准漕白二糧及通濟庫錢糧奏銷。向未定有限期。酌定於次年五月內造冊具題。○乾隆三十一年議准。席竹到倉。定於五日內查收。即將實收移會坐糧廳。按期送驗。僅有勒索遲延倉場。查明究參。○四十四年奏准。通漕辦理糧務。向設漕運通判

一員駐紮張家灣專管內河修防外河挑濬各事宜其關涉漕務事件徑行呈報倉場及坐糧廳辦理至北河雇備剝船委楊村通判稽查漕船剝貨委務關同知會同嚴查悉照張家灣通判之例徑行申報倉場○嘉慶十五年奏准各省漕船行至北運河一帶由務關營通州協催趨每致倉場呼應不靈嗣後歸倉場衙門兼轄以重漕運○道光二年

諭定例各衙門書役人等於役滿後不准復充原以杜積蠹把持之弊嗣後著倉場侍郎將所管各倉花戶

胥役督同各監督等隨時認真稽查役滿著卽照例飭令退役毋許逗遛滋擾

坐糧廳職掌○坐糧廳滿漢各一人管理北河挑挖淤淺修築隄岸牘壩催趨漕船抵壩回空督令經紀車戶轉運交倉兼管通濟庫銀出納抽收通州稅課事務由各部揀選賢能司官送部引

見差委二年更代差滿倉場總督將其經管錢糧收支數目造冊具題送部查覈坐糧廳所屬石壩州判一人土壩州同一人通濟庫大使一人通

流慶豐牘官各一人。經管石壩軍糧經紀百名。

白糧經紀二十五名。土壩車戶二十名。舊設五十名

熙二十五年裁二十五名雍正十二年又裁五名嘉慶十五年全裁通倉轉運事務統歸石壩

經紀普濟牘平下牘軍糧水腳各二十六名。平

上牘慶豐牘各十有三名。白糧水腳每牘二名。

舊設石土二壩外河船戶三十五名康熙二十九年裁併白糧經紀土壩車戶又有石壩農河

水脚二十六名雍正五年裁歸清糧經紀各役十年踐更。由通州知

州選殷實良民承充。不許旗人充役。並不許父

子兄弟同充。○康熙二年題准坐糧廳經管清

糧除帶運米不算外。其扣收餘米抵欠。算入正

運數內總作十分考覈未完六釐以上不及一分者罰俸六月。一分以上不及二分者罰俸一年。乾隆五十年奏准每年巡漕查倉均派御史而坐糧廳一官為北漕總匯。漕糧抵通驗看成色。抽掣轉運並管理通濟倉收放錢糧均關緊要。若於科道內揀派恐稽查者瞻顧同寅於倉儲無益。嗣後坐糧廳缺出停止保送科道。嘉慶五年奏准通州石壩額設經紀一百名。接運八省漕糧。交米一石例給箇兒錢二十二文。遇漕幫跟接到壩或陰雨連綿多添人夫該經

紀等未免拮据。應於原定外每石加制錢五文。在旗丁調劑項下扣給。儻不肖經紀仍把持勒貼。有意耽延。一經查稟告發。即將現加之項停止。並將經紀頭目按律治罪。○十五年奏准坐糧廳經管通濟庫錢糧。向不辦理交代。嗣後新舊更替時照例委員查驗。依限造具冊結咨部。○十八年奏准坐糧廳軍白糧經紀辦公竭蹶。照大通橋車戶之例承買奉豆二萬石。應交例價。即於應領腳價內按數扣解。嗣後不得援以為例。○二十年

諭坐糧廳經紀等承領腳價除應扣款項外辦運不無
拮据加恩著照大通橋車戶之例承買黑豆二萬石
先由倉派領一萬石俟秋閒奉天黑豆運通再給領
一萬石所賣價銀存貯通濟庫將例價按數扣繳餘
項酌發該經紀俾資津貼嗣後不得援以為例

大通橋監督○大通橋監督滿漢各一人管理

石壩運到清白二糧抽驗斜面督催車戶分運

京倉兼收隨糧松板經管軍糧車戶三十二名

水腳十有三名舊設軍糧車戶二十八名白糧車戶十三名水脚二名雍正十

年裁白糧車戶水脚增軍糧車戶四名歸併者役 ○乾隆五十一年議

准大通橋額設車戶。置備官車二百輛。每輛羸馬四匹。車轅上烙印官車字樣。以備稽查。於大通橋附近地方。買空曠民地。分設棚廠四處。每廠蓋馬棚四十間。房屋三十間。並馬槽等項。以為安放車馬之用。令大通橋監督專司其事。又大通橋額設車戶三十二名。令大宛二縣慎選殷實良民報充。並擇勤慎車戶八名充當頭役。分理四廠。至運糧腳價。照例分別各倉遠近。給發毋庸另給馬乾工食。僮遇車戶疲乏。另選充當。以免貽誤。又於漕糧未到之先。酌發漕銀二

千兩按車勻給。以為添買牲口修理車輛之用。如臨時貽誤。即將該車戶責革。另選充補。又車戶等承領官車。如遇漕船閒有脫幫。及陰雨連綿不能行運之印。在於腳價內扣存銀六千兩。發交該監督按車給銀一兩。添補車戶之用。完糧之後。聽其自赴車行攬載。以資養贍。毋許州縣擅行封雇。以免擾累。務於新漕到關以前。先期調齊入廠。儻臨時遲誤缺少。即在該管車戶名下賠補足數。並將車戶從重治罪。○五十二年議准。大通橋置辦官車二百輛。共需牲口八

百頭照八旗官馬買豆之例每頭每月准買豆一石除空閒月分不准買外每年自三月起至十一月止作為九箇月支領每石以一兩一錢承買於車戶腳價內扣交部庫○五十五年議准大通橋置備官車應餞養牲口豆石照八旗五營官馬之例以七錢二分五釐交價於車戶腳價內扣交○六十年定大通橋車戶餞養牲口豆石不敷每月即以粟米抵給按照例價在該車戶應得腳價內扣留歸款俟豫東豆石全數徵收運通照舊令其承買○嘉慶五年奏准

大通橋排造剝船向來每船止給料價銀一百三十兩實不敷用酌增銀七十兩又挑挖護城河如大挑一次需用銀一千數百兩每年歲修用銀六百兩在橋壩辦公銀內動給○十四年奏准大通橋官車牲口所需料豆由車戶每年交價承買卯豆一萬石並認買官豆一萬石每石例價銀七錢二分五釐變價存公由官按卯給發津貼添雇長車腳之用○十五年奏准大通橋監督辦理運務經手腳價署內設有庫座嗣後新舊更替時照例委員查驗依限出結造

冊咨部。○又議准大通橋運米官車虧短無存。改雇長車一百輛。不敷辦運。嗣後雇備長車。俟運務緊急。察看情形。飭令車戶隨時添雇。或三四十輛。或五六十輛。所雇車輛由巡漕御史隨時赴橋查驗。儻有短少。即行叅奏。○二十二年。諭本年軍船回空迅速。明歲漕運抵通較早。轉運事宜亦應早為籌備。該車戶等承買豆石。准其將現到之牛莊黑豆五千四百石。先為撥給。俟奉省續運豆石到。即再撥給一萬四千六百石。以符原額。所有應交價銀。循例坐扣歸款。○二十四年。

諭大通橋車戶承運漕糧所領腳價向應扣出津貼各倉箇兒錢以為橋壩公用本年連次大雨道途泥濘該車戶等添備車輛修墊道路所領運腳不敷辦公准其將本年應扣津貼各倉箇兒錢計銀二千六百兩暫免坐扣以紓役力○道光四年

諭前經戶部奏請將大通橋車戶承買豆石永遠停止茲據博啟圖等奏稱車戶每歲於新漕未到之先豫雇長車小車共二百八十輛向准承買豆石除交例價外餘銀雇給車價及臨時添車加價之需近因各項價值倍增辦運已形竭蹶若再停止運務不無阻

澤自係實在情形著照所請准該車戶等照舊承買
官豆二萬石於奉省運通豆內照數截撥應交例價
銀兩即按卯坐扣通濟庫歸款其石土兩壩單白糧
經紀因腳價不敷歷經奏辦承買奉豆二萬石有案
現在辦運拮据亦著照車戶等一律准其承買二萬
石俾資津貼此係朕加恩調劑該侍郎等務當認真
經理杜絕弊端不得再有所藉口也欽此遵

旨議准奉天豆石業已籌備搭放其車戶經紀承買豆
四萬石由本年豫東二省黑豆內照數截撥所
有酌給安車銀兩應即停止其應交價直並歲

餘銀兩。即飭坐糧廳查收解部。嗣後仍不得援
以為例。○同治四年奏。准大通橋例。設官車運
糧。嘉慶年間。因官車無存。改雇長車。每年准車
戶承買官豆二萬石。俾資津貼。咸豐三年後。因
倉存豆石不敷。停止。今酌復舊制。仍准承買黑
豆千石。俟奉天例運豆石抵通時。照數撥給。其
每石應繳例價。於腳價內扣清歸款。贏餘銀兩
存公。作為雇車津貼之用。

各倉監督。○京通倉監督在京十三倉。通州二
倉。每倉設滿漢監督各一人。管理清白二糧。交

納上倉及收儲支放祿米倉看倉旗員四人。兵七十名。經制吏二名。攢典二名。皂隸五名。花戶二十九名。小甲二名。南新倉看倉旗員四人。兵四十名。經制吏二名。攢典二名。皂隸四名。花戶二十九名。小甲二名。舊太倉看倉旗員六人。兵四十名。經制吏二名。攢典二名。皂隸六名。鋪單二名。花戶二十四名。小甲二名。海運倉看倉旗員二人。兵四十名。經制吏二名。攢典二名。皂隸六名。鋪單二名。花戶二十四名。小甲二名。北新倉看倉旗員二人。兵四十名。經制吏二名。攢典

二名。阜隸六名。鋪軍二名。花戶二十六名。富新
 倉看倉旗員四人。兵四十名。經制吏二名。攢典
 二名。阜隸七名。花戶二十名。小甲二名。興平倉
 看倉旗員四人。兵四十名。經制吏二名。攢典二
 名。阜隸六名。鋪軍二名。花戶二十六名。小甲二
 名。太平倉看倉旗員四人。乾隆二年因添設水
門二座添派旗員二
 人。兵四十九名。經制吏二名。攢典二名。阜隸四
 名。花戶二十八名。小甲二名。萬安倉看倉旗員
 四人。兵三十九名。經制吏二名。攢典二名。阜隸
 六名。花戶二十四名。鋪軍二名。小甲二名。乾隆
四年



將領濟倉廩庫所管理添派旗員四人兵四
十名花戶六名共總員八十九名花戶

三十名本裕倉看倉旗員四人兵六十名經制吏

二名攢典二名阜隸四名鋪軍花戶小甲均以

在京八倉各役輪流承直乾隆十七年因改
事簡裁去經制吏攢

典各一名阜隸鋪軍花戶小甲共三十
四名仍以在京八倉各役輪流承直裕豐倉

看倉旗員二人兵四十名經制吏二名攢典二

名阜隸六名鋪軍二名花戶二十四名小甲二

名儲濟倉看倉旗員四人兵八十名經制吏二

名攢典二名阜隸六名鋪軍二名花戶三十名

小甲二名乾隆四年將慶座分撥萬安倉管
將花戶撥歸萬安倉六名共二

名豐益倉看倉旗員四人兵六十名經制吏二

名攢典二名阜隸鋪軍花戶小甲均與本裕倉

同豐益倉舊係內務府委官管理乾隆三十七年奏改倉場管理設書攢二名阜隸花戶小

甲鋪軍共三十四名通州西倉看倉旗員二人兵百名經

制吏三名攢典三名雇長六名花戶十有八名

甲斗二十四名中倉看倉旗員二人兵七十名

經制吏二名攢典四名花戶九名甲斗十有二

名○順治元年定通倉監督一年更代○康熙

三年題准京通各倉監督二年更代○乾隆元

年覆准大通橋及京通各倉滿漢監督向係任

滿之時行各部院保送引

見補授未免有需時日恐致貽誤倉務嗣後豫行內閣揀選滿漢官各二人吏禮兵工四部大理寺滿漢官各一人戶刑二部滿官各二人漢官各三人宗人府理藩院國子監太常寺太僕寺鴻臚寺滿官各一人光祿寺滿漢官各一人中書科漢官一人送部引

見候

旨記名註冊遇有員缺掣籤補授○又覆准大通橋監督員缺令倉場總督於各倉監督內揀選引

見調補。○又覆准京通各倉監督任滿之期。

年二年三年不等。嗣後均以二年為滿。滿漢一年一人更代。如二年內有俸滿應升者。照常升轉。仍俟差滿更代。○又覆准各倉監督差滿。向例按贏餘米多寡議敘。應行停止。如二年之內。出入公平。糧儲無虧。倉廩不致滲漏。米色不致微變。任滿時。倉場侍郎即保題議敘。加級。如有虧空。題參議處。○又覆准京通各倉額設滿漢監督各一人。每逢收支糧米之時。不能兼事稽查。嗣後收支之時。由倉場移咨戶部。於記名候

補監督人員內撥赴倉場分委各倉監看並不
時撥委收支事竣仍回本衙門辦事○四年議
准各倉花戶經管起閉倉廩收支糧米出入量
免非誠實良民充役難免需索竊盜之虞且恐
積年占據習久弊生應限五年役滿別擇土著
良民充補取具里鄰甘結及連名互結報倉場
咨部存案○十七年奏准各倉監督嗣後改為
三年更代○二十七年奏准各倉滿漢監督同
時任滿准倉場侍郎於各監督內歷任一年以
上者選調一員仍接算三年更換不得更請留

任○三十二年奏准通倉監督缺出於京倉監督
督歷任一年以上者揀選咨部調補仍接扣三
年差滿○三十七年奏准豐益倉改歸倉場管
理一切事宜悉照本裕倉之例○四十三年定
各倉監督如遇穿孝百日並不扣除任事日期
其署事監督將來得補監督實缺不准接算署
事日期仍令扣足三年報滿其養廉銀兩署事
之員與本任監督各半支食○五十四年奏准
各倉監督調補中西二倉照大通橋之例於調
補後另扣二年報滿○嘉慶二年咨准通政司

知事經歷欽天監五官正一體保送倉差。○三年咨准國子監漢監丞助教博士典簿典籍一體保送倉差。○五年奏准通州中西二倉監督改為簡缺於記名人員內掣補海運北新二倉定為繁缺於各倉監督內揀選調補其歷任一年以內之員前後扣滿三年更替如歷任一年以外之員另扣二年報滿其餘各倉同時任滿缺出者應由別倉揀調熟手一員坐補但揀調之倉如滿漢監督內有一員到任未過半年者亦不得將該倉已屆一年以上之員揀調再各

倉滿漢監督於引

見記名後查明食俸深淺依次坐補。○七年奏准都察院都事經歷翰林院典簿待詔中書科滿中書。

起居注滿漢主事詹事府滿漢主簿國子監學正學錄嗣後一體咨取送部引

見候

旨記名註冊遇有各倉監督挨次坐補。○九年奉

旨嗣後著該監督等每閱數日在附近之官房輪班住宿一次仍常川周密巡查認真防範以昭慎重而絕

弊端○十四年

諭倉監督職司典守必須精明強幹方為無忝厥職乃
近來各衙門保送監督率以年老之員充數遂致到
任不能留心稽查一任甲斗花戶無弊不作嗣後各
衙門保送倉監督務擇京察一二等之員年力富強
才具幹練者保送若仍以年逾六旬才具平庸者充
數於引見時經朕看出必將原保官嚴加懲處○又
定各倉監督如遇緊要辦公之時一人患病毋
許私相兼攝應申報倉場侍郎派員署理照例
一員在官廳檢查米檔一員在廠口監察如有

同坐官廳。但委胥役在廢口收放者。查倉御史糾參。○十五年奏准。通州中西二倉。本係簡缺。因支放三品以上俸米。改為繁缺。從前海運北新二倉。因兼儲白糧。由簡改繁。近年俸米甲米。各倉分存。輪流支放。仍將海運北新二倉改為簡缺。○道光四年

諭。近來各倉監督。俱不能實力整頓倉務。甚或通同舞弊。致花戶等。翫法營私。益無忌憚。屢次懲辦。尚不悛改。嗣後各衙門保送監督。應如何定立章程。方可得人。著軍機大臣大學士。會同戶部堂官。悉心妥議具

奏欽此遵

旨議奏向例京察止准保舉四員今酌添一員共計五員一次保滿員三員漢員二員一次保滿員二員漢員三員遞相輪保奉

諭本日據軍機大臣大學士會同戶部議奏保送倉監督激勸章程一摺所議甚是各倉花戶亂法總由監督約束不嚴自應慎加遴選明示勸懲不可虛應故事務從其實以收得人之效嗣後各衙門保送監督欽天監太常寺鴻臚寺鑾儀衛各衙門司員俱著毋庸保送其餘各衙門仍照向例令各該堂官擇其明

白體面。兼有才具者。秉公保送。其結實可靠之員。准其奏留再任三年。儻始終奮勉。隨時奏請。即予升途。至京察之年。並著添保一員。滿漢相間輪保。務擇才守俱優者。列為一等。不得先儘坐糧廳大通橋監督。以昭公允。各倉監督除舞弊得贓。隨時嚴辦。將原保堂官。交部議處外。其不實心任事者。著該侍郎隨時叅處。庸懦無能者。咨回原衙門行走。並著停升三年。雖俸滿亦不准保送外任。至花戶舞弊。係監督自行查出者。即專治花戶以應得之罪。監督失察處分。概予寬免。向例倉監督給予養廉。止領半俸。嗣後並賞。

給全體用資辦公。即自本年春季為始。其萬安海運二倉事務本繁。著該侍郎於各監督內揀員調補。自此次立定章程之後。務各秉公選擇。實心整頓。以祛積弊。而慎倉儲。○咸豐元年

諭吏部等衙門。奏遵議慎保倉員一摺。各倉監督有整頓倉務之責。果能釐剔弊端。著有成效。自應優予升途。以示鼓勵。嗣後各監督期滿保奏到部。即照此次部議酌予升途。該監督等既膺甄敘。自當知感知奮。益加勤勉。而各該衙門之堂官。尤應慎選其人。不可開奔競之風。除貪婪枉法。將原保堂官從重懲處外。

至所議原保之上司於未經發覺之先協同訪聞叅辦仍照例免議等語亦應候旨定奪不可為例○同

治四年裁汰萬安倉監督○七年奏准六部實缺並候補及學習期滿奏留之滿漢郎中員外郎主事等官均准保送倉差至各倉監督初次任滿如果倉務整飭顆粒無虧三年中無一叅案者無論實缺候補准其酌保升銜頂戴留任三年始終如一者准其酌保升階班次其養廉銀兩由倉場侍郎籌給十成實銀○又定各倉監督由倉場侍郎認真考覈遇有闕茸之員隨

時甄別其花戶名數。按照例額召募。不准空缺。每遇五年報滿。吏替年分。照監督交代之例。將該花戶經手收放糧數。查明具結報部。又定各倉收放米石日期。該監督等將倉內外閒雜人等。概行禁止。不准進倉。如有攪亂倉務及身後把持之人。由該監督查拏懲辦。○光緒十一年

諭。嗣後各衙門保送倉差。務各慎選明幹廉正之員。不得以才具平庸者。濫等充數。致滋弊竇。監督花戶。如有串通勾結。以致虧短倉儲者。該侍郎隨時

認真訪查。分別從嚴叅辦。

內倉監督。○內倉在戶部大門外。監督戶部滿洲司官二人。司其出納之事。每年糧船到通。由總督倉場侍郎撥運漕白二糧進倉。又直隸布政使司歲解芝麻屯豆。由部交倉供支。內務府太常寺光祿寺理藩院會同四譯館白糧。欽天監太醫院宗學旗學內監等。杭米並內務府油房芝麻賓館牧馬黑豆。專隸戶部。不屬倉場。設經制吏一名。阜隸四名。斗級十名。○順治初年定。專委戶部廣西司滿漢司官經管。○康熙三

十二年題准內倉監督在應除小差之滿洲蒙古漢軍年久司官內挨次除用一人管理任滿照京通各倉之例新舊交代考覈○雍正元年奉

旨內倉監督於戶部滿司官內委用二人○十一年覆准內倉滿監督二人向係二年更代若一時並更接任之人恐未諳練嗣後內倉監督錯綜更代以慎倉儲○乾隆五十九年議准內倉監放米石款目甚雜支放無定時毋庸一律籤派科道○嘉慶十四年奏准內倉通倉於白糧轉運

抵倉隨到隨收勒限十日給發回照○同治元年

諭著倉場侍郎飭令大通橋監督嗣後發運內倉恩豐倉米石務須查明米石堪以起運再行知照該倉並將米樣一併檢送各該衙門於文到日即飭該倉監督認真驗收毋得稍逾例限至倉場侍郎本有糾查內倉之責恩豐倉係內務府司員經理未便遠隸倉場該抽查漕糧御史請將內倉恩豐倉均歸倉場兼轄之處著毋庸議